

Verhoalen en gedichten in 't Grunnegers in eigen boukie

Van ain onze verslaggevers

WC 27-3-92

■ **STADSKNOAL** – Zesde moal op n riege. Opnij hebben dr weer zon twijhonderd groten en klainen mitdoan aan de deur de gemainte Stadsknoal uut-schreven schriefwedstried in t Grunnegers. De priesen werden gusteroavend uutreikt deur burgemeester Frits Brink in Geert Teis.

Van twijhonderd inzendens het jury zeuventien verhoalen en gedichten uutkozen. Dei bin vastlegt in t boukie met de titel „van zessen kloar”.

De titel is gekozen omreden dat t de zesde keer is dat wedstried holden is en dr in de veurgoande joaren ook aaltied n titel bruukt is dij naor n ciefer verwist.

Het grote aantal inzendens van dit joar stait garant dat er volgend joar ook weer zokswat kommem gait.

Der is weer hail wat uut-prakkezaaiered achter verschaiden schriefburo's.

Der kwammen nait allend anekdotes en dat soort vertelsels op batterij, moar ook veul vanuut t haart schreven verhoalen.

Maitste schriefsels binnen inzonden deur kinder in de older tot en met twaalf joar, 115 om t persies te zeggen. d'Onderwaarpen wazzen allemoal muite weerd, mor t grunnegers was nait altied even zuver.

Din de priesen.

Frits gaf daarde pries aan de negenjoarege Esther Wolfs uut Onstwedde met „Mien pappes olle buro”, een hail herkenboar verhoal, heur grunnegers mit zien Westerwoldse invlouden hail geef.

Twijde pries was veur Fleur Fransen uut Muzzelknoal mit „Bienoa twaalf”, een verhoal mit opbaauw en wiesheid, een knap stukkje.

De elfjoarige Wendy Tieben ook uut Muzzelknoal kreeg de eerste pries mit „Laifde”. Gain zeurderig gedou, maer mit wainig woorden toch zoveul vertellen dat der bie lezer n gevuil loskomt, een aandounlijk veurval, n woar pronkjewailtje.

In de leeftied van 13 tot 18 joar wazzen er moar 20 inzenders. Er was niks bie wat der nou echt uut stak. Wel drai inzenders ofdrukt in t boukje. „Zaik” van Werner Duursma van t Knoal. „Doar bie t meer-” van Rene Moorman, ook van t Knoal en „Jan Doedel in de penarie” van Patrick Corporaal, alweer van t Knoal.

In de leeftied vann 18 joar en older wazzen er 65 inzenders. Daarde pries ging noar J. Metz-Onrust van t Knoal mit „Dreihoukie”. Twijde pries kreeg M. Joager ut t Knoal mit „Deurrieden Geertje”, een onderwaarp, dat inspeult op „sociale veiligheid”. T. Bosklopper van Troapel kreeg de eerste pries mit „De bekeuren”, een smui stukje grunnegers. Noar de maining van de jury n talent.

Er binnen gain gedichten in de priesen vallen. Ze wazzen minder kunstig dan de verhoalen. Ain gedicht sprong er uut: „Op t Knoal” van H. Verwey van t Knoal. Een verrassend ding, moar technisch net nait volmoakt. Wel n apaarde vermelding.

Het Geert Teis zat gusteroavend hartstikke vol.